



Шочмо эл, порылык да чын верч!

Б У Д Ъ Г О Т О В /

38-ше (3738) №,
2025 ий 26 сентябрь,
кугарня



0+

1933 ий 1 февраль годсек лектеш.

Арня еда газет гене пырля



Уэш тургым пагыт тўнале. Йоча-влак парт коклашке шинчынит, ялозанлык пашаен-шамыч, шурным поген налын, тельлан ямдылалтыт, ял калык пакча пашам мучашке лишемдаш вашка. Мемнан, газет ден журнал редакцийлаште пашам ыштыше-влакын, 2026 ийын икымше пелийжылан подписке тургым кая. Жапым шуйкалыде, «Ямде лий» газетлан возалташ вашкыза. Теве Звенигово район Красногорский посёлкысо «Изи шўдыр» ансамбльыш коштшо ўдыр-шамыч (снимкыште) йоча газетым арня еда вучат. Нуно 2-шо номеран Красногорский школышто 4-ше «Б» классыште тунемыт. Посёлкысо «Теремок» йочасадыш коштымшт годымак мураш кумылангынит. Нуным Любовь Леонидовна Пакалина туныкта.

Тўрлў йўным кучылтын, газетлан подпискым ышташ лиеш:

- почто гоч. Индекс – П4696. Ак – 505 тенгеат 56 ыр (Марий Элыште);

- онлайн: podpiska.pochta.ru сайтыш пурьман але «Почта России» мобильный приложениым кучылтман. Индекс ден ак тыгаяк;

- редакций гоч. Ак – 200 тенге;

- электрон газетым налнеда гын, yamde_lii@mail.ru адресыш лўмнердам, электрон почто адресдам возен колтыман. Ак – 200 тенге.

Ушештарена: 1-11 октябрьыште Россий мучко подписчикын декадыже эртаралтеш. Тыгодым шулдырак ак дене подпискым ышташ лиеш.

Людмила ГРИГОРЬЕВА.
Оля МАЙКОВАН фотожо.

Подписчик-влак коклаште лотерей модышым эртарена. «Ямде лий» газетлан подпискым почтышто ыштыман да квитанцийжым редакцийышке колтыман.



Тўн приз –
сўретлаш набор.

Лотерейын организаторжо –
«Марий Эл» увер агентстве» КАУ.



Рекламе.

Мардеж гай писе

20 сентябрьште «Нацийн кросшо-2025» всероссийский танасымаш Российн 84 регионштыжо эртаралтын. Тушко миллион утла спортсмен ушнен. Марий Элын рудолаштыже шке писылыкшым 5 тўжем утла ег терген. Ийготым шотыш налын, 2, 4, 6, 8 километрым куржыныт.

Теве Йошкар-Ола гыч Александра Гусева (**снимкыште**) ты акцийыш икымше гана ушнен. Спортсменке 4 километрым куржын да шке ийготан-влак коклаште кокымшо верым сенген налын.

– *Мый ике виемлан ўшаненам. Тренерем Юлия Александровна Волковалан тауштем. Тений мыйым ончылтеныт гын, вес ийын икымшак лийнем,* – ойла Александра.

Ўдыр Йошкар-Оласе 2-шо номеран школышто 6-шо «В» классыште тунемеш. 2022 ий гыч куштылго атлетике дене кылым



куча, йўштылаш, кушташ кумылан. «Сашка бегает» телеграм-каналым вўда.

*Оля МАЙКОВА.
Фотом еш архив гыч налме.*

Российысе увер

«Связующая нить» всероссийский историко-патриотический конкурсш ушназа. Ачамландым аралыше-влаклан пўлеклалтше сылнымутан произведенийым возен, связующаянить.рф сайтыш 15 октябрь марте колтыман. Конкурсш 8 ияш гыч ушнаш лиеш.

«Урок цифры» шинчымаш проектн у сезонжо «ИИ-агенты» темылан пўлеклалтеш. Тудо тунемше ден туныктыш-шамычлан, тыгак ача-ава-влаклан келшыше. 12 октябрь марте урокцифры.рф сайтыште шинчымашдам пойдарыза.

Шке калыкет нерген эссем возен, видеороликым, проектым але презентацийым ямдылен, «Храня традиции предков» всероссийский акцияшкеш ушно. 4 ноябрь марте пашам колтыман. Эн онгай 100 пашам культурадляшкольников.рф сайтыште ужалш лиеш.

Марий Элысе увер

Йошкар-Оласе «Роза ветров» йоча да самырык-влаклан рўдер красеведений дене олимпиадым эртар. Тушко 8-11-ше класслаште тунемше-влак ушнен кертыт. Йодмашым 20 октябрь марте пуаш лиеш. Тўрыс увер – rv12.ru сайтыште.

Йошкар-Олаште «Йоча филармоний» тунемме вер почылтеш. Тушто кок группо пашам ышташ тўнгалеш: мурышо да куштышо. Филармонийыш 6-9 ияш йоча-влакым вучат. Йодышда уло гын, +7(927)871-66-29 телефон номер дене йынгыртыман.

«Сохраним лес» всероссийский акцияш ушнаш кумылда уло гын, +7(937)117-73-65, 8(8362)42-06-31 телефон номерла дене йынгыртен, ончылгоч возалтман. Кўлешан чыла арверым палемдыме верышке намят.



Кўлешан вашлиймаш

Ме, 9-10-шо класслаште тунемше-шамыч, Пашазе професий-влак фестиваль радамыште Вечын селасе аграрно-строительный техникумышко миенна (**снимкыште**). Тушто трактор ден машинам виктарыме, кочкаш ямдылыме, декоративный штукатуркым ыштыме да моло мастер-классым ончыктеныт. Тыгай вашлиймаш моткоч кўлешан.

Тўрлў паша нерген пален налын, ончыкылык професийым чын ойыраш куштылгырак.

Эше школышто агроклассым почыныт. Кандашымше классыште тунемше-шамыч ялозанлык паша дене лишкырак палымыт. Тидынат пайдаже кугу.

*Юлия ЯГОДАРОВА.
Советский, Кельмаксола.
Фотом школ архив гыч налме.*



Йошкар-Оласе Бауман лицей пеленысе «Лира» йоча сымыктыш школын «Узоры» йоча образцовый ансамбльже (снимкыште) Китайыште, Циньхуандао

олаште, лийын. Тушто «Золотая площадь» тўнямбал фестиваль эртаралтын. Тушко Российын 30 регионжо гыч 70 утла усталык коллектив ушнен, 2000 наре ен

погынен. Марий Элын тўвыраж дене йоча ансамбль палдарен. Фестиваль тўрлő вашлиймашлан, мастер-класслан, ярмингалан, калык вургем пайремлан поян лийын. Уна-влак кытай тўвыра дене палыме лийыныт, Пекин олан моторлыкшо дене кугешненыт.


«Узоры» ансамблын участникше-шамыч чыла мероприятий ден конкурслашке ушненыт. Икмыняр номинацийыште лауреат лийыныт.

Тыгай фестиваль самырык тукумым лишкырак палымым ышта, келшымашым виянда, Шочмо эл, тўвыра, йўла, калык дене кугешнаш тарата.

А.С.РЕЧКИНА, «Лира» йоча сымыктыш школым вуйлатыше.
Фотом ансамблын архивше гыч налме.

1 октябрь – Илалше-влакын тўнямбал кечышт.

Пашаче ковам



Мыйын ковам Зинаида Николаевна Андреева (снимкыште) – пашан ветеранже. Сотнур кы-

далаш школышто математикым 37 ий туныктен. Кызыт сулен налме канышыште. Туге гынат яра шинчаш ок ярсе. Шуко пакчасаскам, смышж-саскам ончен кушта, волькым, сурткайыкым ашна. Кенжежым мемнам мўрым погаш нангая, а шыжым – понгым. Авам ден коктын тельлан вареным, компотым, тўрлő салатым ямдыленыт. Мыят ковам гай пашаче лийнем. Ковамым пайрем дене саламлем!

Дарина НИКИТИНА.
Волжский, Сотнур.
Фотом еш архив гыч налме.

Пайрем дене!

Ковамым, Валентина Александровна Ивановна (снимкыште), чот йоратем. Тудо Морко районсо Вончдўр ялеш шочын. Еш пиалым Азялыште чоҥен. Ковам Азял кыдалаш школышто пионервожатыйлан пашам ыштен. Вара кўшыл образованийым налын. Тиде школыштак химий ден биологийым туныктен. Тунемше, ача-ава-влак ковамым кызытат порын шарнат, таум ойлат. Шергакан



енем мыланемат тунеммаште полша, умылтар. Пайрем дене, ковай!
Виктория ИВАНОВА.
Морко, Коркатово.
Фотом еш архив гыч налме.



Сўретлаш келша

Мый сўретлаш йоратем. Тидыжым моштен ышташ манын, Красногорский йоча усталык пўрт пеленысе «Штрих» ушемш коштам. Туныктышына Виктория Вячеславовна Ибрагимова мыланна ятыр шинчымашым пуа. Карандаш, кистычке ден чия, фломастер да ятыр вес йон дене сўретлаш туныкта.

Дарья ИЗЫЧЕВА.
Звенигово, Чакмарий.
Фотом еш архив гыч налме.

• Ушан ой •

Уста айдеме илышыш ўча-шен пура...

Валентин КОЛУМБ.

Чавайн



тукым улына

• Ой-кагаш •

Почеламутым тунемаш полшыман

Ик почеламутымак түрлө семын лудаш да умылаш лиеш. Мутлан, икте тидым тыматлын, йүкым кугемдыде ышта, весе кычкыра, кидшым утыжде не лупшкедылеш, кумшо сылнымутым шке семынже койдара. Йоча почеламутым тун шонымашым умылыде каласкален кертеш.

Икшывылан сылнымутым моторын, чонеш логалшын лудаш кугыен полшышаш. Конкурслан ямдылалтме годым тидым поснак шотыш налман.

● Почеламутым ойырен моштыман. Мо нерген ойалаттым йоча куштылгын умылышаш. Ийготым шотыш налман. Изирак-влаккан куштылгыракым, кучыкым ойырман. Тунемшын койыш-шоктышыжым эскерман. Тыматле икшывылан утыжде не весела почеламутым тунемаш да калык ончылно каласкалалаш не леиш.

● Кугыен почеламутым эн ончыч шке лудын ончыктышаш.

● Почеламутым пырля лончылыман. Кажне корным шергалман. Лекше йодышым рашемдыман.

● Сылнымутын кумылжым шижман. Шүлыканым эркинрак, веселам писынрак лудман. Шүргывылышым модыктымаш, кид дене ончыктымаш авторын шонымашыжым колыштшо деке намиен шукташ полшен кертят. Но утыжде не модман огыл.

● Логический ударенийым шындаш тунемман. Иктаж ойым палемденак кодынеда гын, йүкым кугемдыман. Умбакаже 1-3 секундлан чарналтышым ышташ лиеш, утыжде не огеш күл.

Оля МАЙКОВА ямдылен.

Микай кочайлан – 140 ий

Поэт Михаил Степанович Герасимов (Микай) – мыйын кугезе кочам. Тудын почеламут ден басныже-шамычым түрлө конурсышто лудынам, Чап кагаз-влак дене палемдалтынам. Микай кугезе кочам нерген Олег кочамат каласкален.

Икана авам мыйын умбак шүрденрак пелештыш. Могай амаллан көра – ом шарне. Авамым ончалын, Олег кочам вашкыде пелештыш:

– Тыйын Микай кочат йочаже-влак умбак йүкшым нигунамаат кугемден огыл.

Авам шып лие. А мый гын моткоч öрым. Кузе тыге?! Микай кочайын кандаш икшывыже – куд эргыже да кок үдыржө – лийын. Нунын кокла гыч кумытшын үмыржө шучко черлан көра лугыч лийын. Кум йочам иканаште йомдареныт. Мый шонем: ала тиде ойгак Микай кочайым йочаже-шамычым аралаш, чама наш туныктен?

Тунам кочам деч йодым:

– Кочай, тый ачат деч пеш изи кодынат, тудын тыгай койыш-шоктышан улмыжым кушеч палет?

– Мый ачам деч посна шым ияш кодынам. Кузе палем? А мыланем Стапан чүчү, ачамын «личный шофёржо», каласкален.

– Микай кочайын машинажат лийын? – эше чот öрмалгышым мый.

– Ой-ой, – воштылал колтыш кочам. – Тунам могай машина? Түрлө сомыл дене кудалышташ школын имныже лийын. А кочат – директор. Телым изи тер дене, кеңежым орва



Микайын Драгояр ден Вара, Милослава Семякова кугезе уныкаже-влак.

дене кудалыштыныт. Стапан чүчүм, имным ончышым, ачамын «личный шофёржо» манам ыле. Тудо ойлен: «Мый Михаил Степановичын ик осал мутшымаат ом шарне. «Тыге ышташ ок йөрö вет» веле манеш ыле. Садлан ял калык пален: Микай иктажлан тыге каласен гын, тугеже тудо кугу йончылышым ыштен. Арам огыл ялыште ачатым «мемнан Микайна» маныт ыле».

Мый кажне ийын гаяк Микай кочайын ялышкыже, Татарстан Республикасы Элнетышке, коштам. Школ ончылно шогалтыме чапкүжым ончыштам, могай улмыжым умылаш тыршем. Ала, илен-толын, тудын могай-гынат койышыжо мыланна кусна, шонем...

Драгояр ЯНАЙ.
Медведево, Арбан.
Фотом еш архив гыч налме.

Кенгеж шарналтеш

Мый кочам дене пырля Йошкар-Олашке миенам. Тушто шуко шарныктыш уло. Мыланем Чавайнын памятникше келшен. Тудым ончен, тыгай иктешлымашым ыштенам: тунеммаш илышыште пеш күлешан. Шинчымашым налаш тыршымыже Сергей Григорьевичым кугу айдемыш луктын.

Камилла ТИМОФЕЕВА.

Тунемына. Идым тылзат мучашке лишемеш. Кенгеж пагыт уэш шарналтеш. Кажне кечыже огыл гынат, южыжо ушеш кодын. Мутлан, мый тений Козьмодемьянскыш миенам. Марий Элысе эн тошто олам онченам. Пароходым ужынам. Юл энгер келшен.

Степан ИЗОТОВ.
Морко, Коркатово.

Марий йочалан – «Ший тенге»

Марий ўдыр-рвезе-влак эн пиа-лан улыт. Республикыштына йоча книга чўчкыдын савыкталтеш. Теве шукерте огыл нунылан Ираида Букетова-Алвий (**снимкыште**) «Ший тенге» савыктышым пўлек-лыш. Тудым «Ямде лий» газетын ончычсо сўретчыже Фаина Лебедева сўрастарен. Книга дене автор шке палдарыш:

– Икымше ужашыш фантас-тике сынан йомак-влакым пур-тенам. «Йомакысе ола» онайын шочын. Марий Эл Республикын сулло изобретательже Борис Лаврентьев дек уналыкеш кум ий ончыч пуренам ыле. Тудо марий рўдолам йомакысе пер-сонаж-шамыч семын ужаш шонен. Борис Федоровичым ко-лыштын, тыге каласенам: «Мо-гай олам «сўретлымыдам» йо-макыш савырем». Тудо келшен.

Йомаклаште янлыкын, кайы-кын, пушенгын образышт гоч айдемын койыш-шоктышыжым почын пуаш тыршенам. Марий мифологийыште лийше персо-наж-влакым «Таргылтыш» да «Айвика ден Эвика» произведе-нийлаш пуртенам.

Конымшо ужашышке ой-лымаш-влакым чумыре-нам. Нунылан сюжетым утлараке илыш гыч на-лынам. Ойлымашлаште келишмаш, йўратымаш темым тарватенам, лишыл еҥ верч азапланы-машланат верым ойыренам. Произведенийысе герой-влак йочалан порылыкын вийжым шижын мошташ, сай ден оса-лым ойыраш полшат, ача-аван шомакыштым колыш-таш тунукташ.



Христина АЛЕКСАНДРОВА мутланен.
Фотом еш архив гыч налме.

Лектыш палдырна

У тунемме ий тўналмеке, Шўр-гыял школышто «Марий сылны-мут садвечиште» кружок 15 йо-чам (**снимкыште**) уэш иквереш чумырыш. Икшыве-влакын тўн пашашт: марла чын да сылнын возаш тунемаш, почеламутым, ойлымашым, тўрлў теме почеш заметкым серен мошташ. Нунын возымышт районысо да респуб-лике газетлаште савыкталтеш. Йоча-шамычын сылнымутышт «Сылнымут изолык» книгагашат

пурталтын. Ўдыр-рвезе-влак поче-ламутым сылнын лудмо конкурс-лаште сенгыше-шамыч радамыш лектыт. Теве Надежда Серге-ева «Сылнымут шошо» районысо пайремыште ойыртемалтмыжлан Муром олашке миен.

Марий йылмым аралымыште, усталык корным вияндымыште кружокын надырже палдырна.

Елена ГРИГОРЬЕВА,
кружок вўйлатыше.
Фотом школ архив гыч налме.



Илена ўшанен

Шучко сарышке каят
Пўрьен-шамыч адакат.
Шочмо элым аралаш,
Угыч эрыкым кондаш.

Сар. Пеш кочо шинчавўд...
А салтак садак ок лўд.
Кредалеш, чылт малыде,
Шучко ман каласыде.

– Нигўлан ок кўл война! –
Кажне кечын ойлена.
Илена ме ўшанен:
Кертына садак сенен!
Валерия АНТОНОВА.
Морко, Нуж-Ключ.

Ушан ой

Кеч-кўат шке эрыкше верч
пентгыдын шогышаш.
Леонид ЯНДАКОВ.

Синквейн

Книга
У, онай.
Туныкта, пойдара, ончыкта.
Книга ушан еным йўрата.
Йолташна.

Таня МИНГЛИНА.
Татарстан, Агрыз, Кадрек.



«Марий калыкын чотшо шагале-мын», – маныт. Мый тиде ой дене тўрысnekшак ом келше. Калык-наже уло. Ач ятырже марий улам манаш ала-молан өреш», – ойла Виче кундем Вўрзым район Буйское селаште шочын-кушшо, кызыт Шернур посёлкышто илыше чолга рвезе Дмитрий Капитонов.

Виче кундемыштат марий-влак тукумыштым шуят. Нунын кокла гыч иктыже – Капитоновмыт. Усталык шўлыш, марий койыш, калыкым йоратымаш да пагалымаш ты ешыште тукум гыч тукумыш куснат. Кызыт ты сомыл – Дмитрий да тудын акаже Нина Николаевна Теплых ўмбалне. Ончыч ака-шольо верысе тўвыра пўртыштў выступатленит. Умбакеже «Марий муро» ансамблыш ушненит. Шукерте огыл «Тукум кыл» ансамблым (снимкыште) чумыренит. Идалык наре жапыште районысо веле огыл, ятыр всероссийский кон-



курсышто сеныше радамыш лектыныт. Дмитрий Капитоновын тукум шўжарже Даша Теплыхат пырляшке кумылын ушнен.

– Даша марла кушташ, мураш ок возжыл. Марий улмыж дене кугешна. Тудын чолгалыкшым ужын, йолташ ўдыржў-влак пырляш ушнаш кумыланьыныт, – палдара Дмитрий. – Мемнан ача-авана уста лийыныт. Кажне пайремым мурымаш-куштымаш, гармонь сем дене сўрастареныт. Меат сценыште выступатлаш йоратена. Кумшо тукумым шуйышо Даша ынде мемнан корным тошка. Ансамбльлан лўмым пумыаште тидым шотыш налме.

«Тукум кыл» ансамбль выступатлымыж годым XIX курымысо сўан вургемым, кажне кечын чиен коштмо тошто тувырым,

ший сўрастарышым калык ончыко луктеш. Тидым Дмитрий Николаевич шкеак чумырен.

– Мыланем шочмо кундемым шымлаш келша. Садлан ялаш лектын коштынам, кугуең-шамыч деч ятыр йодыштынам. Эркын марий тувыр-влакым погенам. Ончыч верысе тўвыра пўртыштў ончерым келыштаренам. Вараже вес калыкланат тудым ончыкташ пиал шыргыжалын. Поснак йоча-шамычлан оңай. Тидыже куандара, – ойла чолга рвезе.

Марий-влак элнан тўрлў кундемыштыже илат. Нуно чолга, уста, вянь улыт. Мемнан тўвырана поян. Садлан шке калык нерген палдарыман, марий улмына дене кугешныман.

Оля МАЙКОВА.
Фотом вш архив гыч налме.

Изам – талешке

Данил изам пеленна уке. Мый тудым талешкылан шотлем да кугешнем. Тудо Мўндыр Эрвелне служитлен. 2022 ий февралыште контрактм подписатлен да Белгород олаш логалын, тушеч специальный сарзе операциейш каен. Ох, кузечот авайна ойгырен! Ик тылзе утла дене нимогай увер лийын огыл. Пытартыш гана 12 февралыште йынгырген, а вара увер деч посна йомын. Апрельште ме тудын дене ўмырешлан чеверласенна...

Кўчык ўмырыштыжў изам «За боевые отличия», Георгий Жуковын, Александр Суворовын медальже-влак да, колымекеже, Патырлык орден дене палемдалтын. Тыгак Владимир Путин Тауштымсо серышж дене суапландаралтын.

Ўмаште Буймо кыдалаш школышто Данил изам лўмеш Геройын партшым починыт. Тиде парт коклаш эн ончыч шинчаш мыланем ўшаненыт. Тиде мыланем чап!

Андрей НИКИТИН.
Татарстан, Агрыз, Буймо.

Патыр лийнем

Кочам Петр Матвеевич Янбердин Кугу Ачамланде сарыште крдалын. Тудо 1920 ийыште Буймо ялеш шочын. Шым классым тунем пытарымек, «Мариец» колхозышто пашам ыштен. 1940 ийыште мобилизоватлалтын. Ончыч Кемеровсо военно-пехотный училищыште командирлан тунемын. Сар тўналмеке, кумшо Белорус фронтын составыштыже пулемёт взводын командирже лийын. Сар деч вара кочамым Забайкальеш служитлаш колтеныт. 1948 ийыште шочмо кундемышке пўртылын. Вара Москошко илаш куснен. Туштак ешым поген. Мотостроительный заводушто пашам ыштен.

Патырлыкым ончыктымжлан Йошкар Шўдыр, I да II степенян Кугу Ачамланде сар орденла дене палемдалтын. Тыгак ятыр медаль дене суапландаралтын. Мыят тудын гай патыр лийнем.

Леонид ЯНБЕРДИН.
Татарстан, Агрыз, Буймо.

Кок шўжарем

Мыйын Полина шўжарем уло (снимкыште). Шыжым тудо ныл ийым тема. Йочаадыш коштеш. Полина – моткоч поро да весела ўдыр. Кутыраш пеш кумылан. Но тудо ўдыр семын курчак дене огыл, а машина дене модаш йўрата. Коктын шуко жапым пырля эртарена: модына, мультфильмым ончена, уремыште коштына, мўнгыштў иктаж-мом ышташ полшена. Мыйын мутем шўжарем колыштеш. Южгунам мыйым ик кована дене, тудым вес кована дене кодат. Икте-весе деч посна шуко жап лийын огына керт, йокрокланаш тўналына. А ынде Полина ден когыньнан эше



ик изи шўжарна уло: Настя. Шўжарем-влакым моткоч чот йўратем.

Мария МАМАЕВА.

Йошкар-Ола, 23-шо номеран школ.
Фотом еш архив гыч налме.

• Ребус •



”



,

Н



• Электротулым аныклыза •

Электротулым аныклен моштеда мо?
Йодыш-влаклан вашештыза.



	Тыге ыштена	Огына ыште
Пўрт гыч лекмеке, тулым йўртена.		
Электротулым анык-лыше лампычке-шамычым кучылтына.		
Холодильникым юалге верышке шындына.		
Телефон зарядникым эре розеткеш кодена.		
Шокшо кочкышым вигак холодильникыш верандена.		
Чайникым чўчкыдын эрыктена.		

Историйым
шергалына

1914 ий

26 сентябрьште

Николай Иванович

вуйлатымыж почеш

руш войска Галицийский кре-
далмаште австро-венгр войскам

кырен шалатен.

2022 ий 30 сентябрьште До-
нецк ден Луганск Калык рес-
публик-влак, Запорожский ден
Херсон областыла Россий Федера-
цийын составышкыже ушненыт.

• Мастар кид •

Лышташ гыч сўрет

Шыже. Пўртўс сылне ужар ту-
выржым шўртнў сывын дене ал-
маштен. Пушенге гыч лывыла
койын, пўрдын-модын, лышташ-
влак велыт. Теве Эчук ден Пам-
палче ик ояр кечын урем гыч
тўрлў тўсан лышташым поген
пуртеныт да мотор аппликаци-
йым келыштареныт. Йолташ-влак,
теат, QR-код полшымо дене виде-
ом ончен, сўретым ямдылыза.



• Калык пале •

• Пушенге лышташ парча гыч
саргая – лум вашке толеш.



0+

Марий Эл
Республикысе
«Марий Эл»
увер агентстве» КАУ.
Директор –
Е.И.КУЗНЕЦОВ.
Тўн редактор –
А.Н.ГРИГОРЬЕВА.

Индекс П4696.
Тираж 1550 экз.
Заказ
Формат – А-4-8.

Учредитель-влак:
Марий Эл Республикысе Тўвыра,
печать да калык-влакын пашашт
шотышто министерстве,
Марий Эл Республикысе
«Марий Эл» увер агентстве» КАУ.

Редакций да издатель: Марий Эл
Республикысе «Марий Эл»
увер агентстве» КАУ,
424006, Йошкар-Ола,
СССР Вооружённый Вийын 70-ше
идалькше урем, 20-шо пўрт.
Тел. 8(8362) 45-22-82.

Газетым редакцийште
погымо да верстатлыме,
«Марий Эл Республикысе
Правительствын
типографийже» ООО-што
ямде оригинал-макет гыч
савыктыме.
Типографийын адресше:
424000, Йошкар-Ола,
Комсомольский урем, 112.

Печатьыш пумы жап –
14-00, фактически – 13-00.

Авторын да редакцийын
шонымашышт тўрлў лийын кертят.
Серыш-влак мўнгеш огыт колталт.
Ак – кутырен келшыме почеш.

https://vk.com/yamde_lii
<https://t.me/yamdelii>
yamde_lii@mail.ru
yamdelii@mediamari.ru
(автор-влаклан)
Сайтын адресше: ямделий.рф

Газетым Кыл, информационный
технологий да массовый
коммуникаций сферым
эскерыме шотышто
федеральный службын Юл кун-
дем федеральный округысо
управленийыштыже
регистраватыме.
Номер – ПИ № ТУ52-01404,
2023 ий 22 сентябрьште пумы.

У конкурс



Артём ПРОЗОРОВ ден
Юлия ТРЕГУБОВА.
У Торъял, Кугу Рүй.



Милана ТРОПИШКИНА.
Звенигово, Чакмарий.



Тимур ден Максим ИВАНОВМЫТ.
Шернур, Кугэнгер.

Шотлыза





Сүретым могай
басне почеш келыштарыме?
Авторжым да
произведенийжым палыза.



Лена АНТОНОВАН сүретше.
Волжский, Сотнур

Янлык-влакын ўмылыштым муза



Мария МИХАЙЛОВА.
Звенигово, Кужмарий.



Камилла СТЕПАНОВА.
Звенигово ола.